

प्रभिन कुमारआ सनानि मेडेल देरहादोंब्लाबो भारतआ मेडेल टेलीआव मुलाम्फा मोनाखै

गोदान दिल्ली, 7 सेप्टेम्बर: सोलिफु पेरिस पेरालिम्पिककआव भारतनि हान्जाया रेकर्ड महेरे मोजाइ दिन्थिफुनायजों बे गेम्सन 9 थि सानखालि गंसे सना आरो गंसे ब्रन्ज मेडेल देरहादों। बे मेडेल देरहानायजों भारतनि मेडेल बाखिआव गं 27 मेडेल सौफै बाय। प्रभिन कुमारआ बे सानखालि हाइ जाप्यआव सनानि मेडेल आरो हकाट हतेडे शेमाआ शटपुटआव ब्रन्ज मेडेल देरहादों। प्रभिननि सनानि मेडेल देरहानायजोंनो भारतआ पेरिस पेरालिम्पिककआव जाकिमिनबो थिसन्दों। भारतआ बिथानि मेडेलजों पेरिस पेरालिम्पिककनि जाकिमिनआव बांसिन गं 6 मेडेल देरहानाय



थिसन्दों। जेराव बेनि सिगां 2020 नि टकिच पेरालिम्पिककआव भारतआ गं 5 सना देरहादोंमोन। सोलिफु समाव भारतआ गं 6 सना, गं 9 सिलभार आरो गं 12 ब्रन्ज मेडेलजों पेरालिम्पिकनि मेडेल टेलीआव 17 थि मासिआव

रेकर्डजों सनानि मेडेल देरहादों। बिथाइ 2.08 मिटर जौथायखौ बारनानै नैथि पेरालिम्पिकनि मेडेल देरहादों। बेनि सिगां टकिच पेरालिम्पिककआव बिथाइ 2.07 मिटर जौथायजों सिलभार मेडेल देरहादोंमोन। गुबुन फासे हकाटआ एफ-57 इभेन्टआव ब्रन्ज मेडेल देरहादों। 40 बोसोर बैसोनि हकाटआ गावनि ब्रैथि नाजानायाव 14.65 मिटर जान्थाय खुबैनो हादों। जेराव बिथाइनो हारदरनि जानानै 27 थि मेडेलखौ लाबदों। मेडेल टेलीनि फारिआव आमेरिकाआ गं 31 सना, गं 36 सिलभार आरो गं 19 ब्रन्जजों गारुसै गं 86 मेडेलजों थामथि मासिआव जायगा मोनानै दइ।

सिबिएसइ क्लास्टार 1 थाखोनि हौवासाफोरनि बास्केटबल टुर्नामेन्टआ गुवाहाटीआव जागायबाय

गुवाहाटी, 7 सेप्टेम्बर: गोबाव समनिफ्रायनो खुं जागोननि मिजिंथि लाजानाय सिबिएसइ क्लास्टार 1 थाखोनि हौवासाफोरनि बास्केटबल टुर्नामेन्ट 2024 आ गुवाहाटीनि आर्मि पब्लिक स्कुल नारंगीआव मोनसे जर'खा बेखेवनाय हाबाफारिनि गोजेरजों जागायबाय। सानथामनि गोजेरजों खुंफुजानो गोनां बे टुर्नामेन्टजों ओन्सोलनि फरायसाफोरनि गोजेरव गेलेमुवारि गोहो आरो गोगो आबहावाजों



नुजाथिनायाव बेखेवनाय जादों। बे टुर्नामेन्टनि फालिथाया माहारियारि फरफिला बिहोनायजों जागायजेनायनि उनाव आलारि बाथि सावनाय आरो गनेश बन्धननि मोनसे रोजाबनायजों जागायो। बिबुंथिनि समाव बन्दना बरुवाआ सोदोमथिजों देरहानायनि सायाव गोनांथिखौ

फोरमायदों आरो बे टुर्नामेन्टनि गावजों-गाव मान होन्जायनायनि थांखिखौ गोनांथि होदों। गाहाइ आलासि महेरे बाहागो जाफैनाय सन्दीप टन्डनखौ मोनसे थुलुंगायादि बिबुंथि होनायनि सिगां प्रिन्सिपालआ मान बाउदों। बिथाइ सोलौंथाय आरो गेलेमु मोननैयावबो गाहाइ आलासि

टन्डननि बिहोमानि सायाव गुवारि बरनायना होदोंमोन। एपिएस नारंगीनि गाहाइ हिन्जावसा दिक्षिता अधिकारिआ समायखिरा लानाय हाबाफारिखौ दैदेन्दों। जेराव बाहागो लागिरिफोरा मोजां गेलेनायनि बोसोन खान्थिखौ फालिगोननि समाय लादों।

नागालेन्डनि गेलेगिरि हकाट' हटझे शेमाआ जाकिमिन थिसन्दों



सिलभार मेडेल देरहानो हादों। इराननि गेलेगिरि यासिन खसारभीआ 15.96 मिटर आरो ब्राजिलनि सन्तषआ 15.06 मिटर जान्थाय खुबैनो हादों। हकाट'नि जाफुंसाे मेडेल देरहानायनि उनाव नागालेन्डनि गिबि मन्थि नेफिड रिया दुइटरनि गोजेरजों बिथानि दिन्थिफुनायखौ बाखायना बरायदों। बिथाइ बे समाव हादरनि जानानै 27 थि मेडेल देरहानायखौ बाखायदों आरो बिथानि दिन्थिफुनायखौ थुलुंगाथाव फोरमायदों। जायनि थाखाय गिबि मन्थिआ बिथानि सासे थुलुगांनि फुखा आरो रल मेडेलार महेरे बरायदों। 1983 नि 24 डिसेम्बरआव नागालेन्डआव जोनोम मोननाय हकाट'आ गंसे आबादारि नख'रआव साब्रै विदा-फंवायफोरनि गोजेरव नैथि फिसान्जामोन। बिथाइ हादरनि थाखाय उन्दैनिफ्रायनो दिन्थिफुनो गोसो गुदुंमोन। जायनि थाखाय बिथाइ गोजौ थाखोनि स्पेसिएल फर्सआव हाबनायनि सिमांजों मोजां देहायारि फिटनेस आरो गोसोयारि गोहोजों खामानि मावबोदोंमोन। नाथाय 2002 नि 14 अक्टबरआव बिथाइ काउन्टर इन्फिलिसन अपारेसनआव मोनसे माइन बेरफुनायाव हान्थुनि गाहाइ फासे आरिस आर्थिखौ खोमानांदों। जायनि जाउनाव बिथाइ स्पेसिएल फर्सआव हाबनायनि सिमांखौ खोमानांदोंब्लाबो गेलेमुनि फोथारआव माब्लाबाबो फावसायनानै थायाखै।

कहिमा, 7 सेप्टेम्बर: नागालेन्डनि पेरालिम्पिक एथलीट हकाट' हटझे शेमाआ भारतनि थाखाय पेरालिम्पिक मेडेल देरहानाय गइज्योनि गिबिसिन एथलीट जानो हाबाय। बिथाइ हौवाफोरनि शटपुट एफ-57 केटेगरिनि बादायलायनायाव 14.65 मिटर जान्थायनि गावयारि साबिसिन खुबैनो हानायजों ब्रन्ज मेडेल देरहादों। बे समाव बिथाइ आजारबेजाननि एलकान मुवायेभजों थानाय खेबआव थिसनजानाय 13.49 मिटर जान्थायनि पेरालिम्पिक रेकर्डखौ सिफायदों। बिथानि अनगायै बे इभेन्टआव इराननि गेलेगिरि यासिन खसारभीआ सनानि मेडेल देरहादों। जेराव ब्राजिलनि बादायारि टिपि दस सन्तषआ

मिज 'रामनि शांतेआ आइएसएलनि 2024-25 सिजनआव मुम्बाइ सिटि एफसिखौ दैदेन्दो जन्जि खाफ्रादों



आइजल, 7 सेप्टेम्बर: आइएसएलनि सोलिफु सेम्पियन मुम्बाइ सिटि एफसिआ जानो गोनां सिजननि थाखाय

मिज 'रामनि गेलेगिरि लालियानजुवाला शांतेखौ गावसोरनि गोदान केप्टेन महेरे थानाय माखासे सान सिगांनो सायख'दों। हान्जाखौ दैदेन्दो थाखाय मिज 'रामनि गेलेगिरि शांतेआबो साखा-फारा जाजेनबाय। हान्जानि रंगथि गोनां गेलेगिरिफोरनि गोजेरव सासे शांतेआ थानाय 2022 नि जानुवारि दानआव आइलेन्डसआव हाबनायनि उनाव फारिये मोजाइ दिन्थिफुंदों। बिथाइ बे समाव खेब 79 बादायनायाव 29 गल सोनायनि अनगायैबो 16 गलआव हेफाजाब होदों। बे गल आरो हेफाजाबजों बिथाइ आइएलनि जाकिमिनआव मोनसेनि उनाव मोनसे सिजनआव 15 गलनि बांसिन बिहोमा होनायनि रेकर्ड थिसन्नाय गिबिसिन भारतनि गेलेगिरि जानो हादों। केप्टेन महेरे शांतेआ बे खेबआव हान्जाखौ साबसिनै दैदेन्दो नाजागोन। बिथाइ 2024-25 नि सिजनआव बिमुनि थाखाय फिन हान्जाखौ थुलुंगाजों दैदेनगोन।

आसाम सरकार

हारिमुरि आयदा बिफाननि बान्जायनायाव आरो
ड॰ भुपेन हाजरिका ओन्सोलारि सरकारी सावथुन
आरो टेलिभिजन फसंथाननि हेफाजाबाव

भारत रत्न, सुधाकान्त' ड॰ भुपेन हाजरिकानि

98 थि जोनोम साननि लोब्बाजों
॥ फुनि 9:00 सिगायव ॥

मान बाउनाय हाबाफारि
॥ बेलासिनि 4:00 सिगायव ॥

हारिमुआरि हाबाफारि

8 सेप्टेम्बर 2024
ड॰ भुपेन हाजरिका मांखरसालि
जालुकबारि, गुवाहाटी

राइजो-राजाफोरा बाहागो लागोन होन्नानै मिजिंथिबाय।

बिथोनगिरि
हारिमुआरि आयदा बिफान,
आसाम

फोरमायथाइ आरो सुवुं फोनांजाव बिथोनगिरि मावख', आसामजों फोसाव जानाय Connect with us @diprassam dipr.assam.gov.in

आसाम बार्ता सावस्कडव खालामनो 7636834943 आव Assam लिखनानै ह्यातसपण खालाम

माहारियारि देहा मावथांथि, आसाम

आसाम सरकार

आवहावा सोलायनाय
आरो सुवुं देहोनि
माहारियारि हाबाफारि

**सोमखै अखोरानि थाखाय
हारिमायारि गोगो बारनि सान**

“ दानिया गोगो बारआव थिसन्थाय हो”
7-14 सेप्टेम्बर, 2024

बे हाबाफारिनि गोजेरजों जोडे सम, सम्पद आरो खस्ट बाहायनानै बार गुबुले जानायखौ बाइइ खालामनो मा रोखोमै खौसेथियै हाबा मावनो हायो बेनि सायाव गोनांथि होनाय जायो। बार गुबुलेखौ सामलायनानै जोडे बयनिबो थाखाय सोलायनायनि साखोन-सिखोन आरो गोगो बार मोनफुनो हायो।

नोंथानि देहाखौ रेखाथिये लाखिनो हाबा माव

फाहामगिरिनि सुबुरुन ला

खर गिदिनाय
गुजुनाय
बिखायाव जेना मोन्नाय
हं सरथेनाय
मेगन सानाय

बार गुबुले जानायनिफ्राय गावखौ रेखा खालाम, बेयो न' सिडववो जा एवा बाइजोआवनो जा

मावनो गोनां हाबा (बार गुबुले जानाय समाव)

बेसेबां हायो न' सिडववो था
हं लानायाव थावथानाय, बिखायाव जेना मोन्नाय, मेगन सानाय जायोब्ला फाहामगिरिनाव सुबुरुन लाहै
बार फेनाय लामा, दिन्दां थानाय एवा बिखानि बेराम थानायफोरा मुलिखौ गोरलैयै मोन्नो हानायबादि लाखिनानै दोन
संनाय-खावनाय आरो फुदुनायनि थाखाय उखुन्दे गयै खाममुवा बाहाय

खालामनो नाडा (बार गुबुले जानाय समाव)

होंगो-दोंगो जायगायाव थानायखौ नागार
फुंबिलि आरो हर गोजेरव दरखा आरो खिरिद दाखेव
मर्नि वाक खालामनायनिफ्राय जानगाराव था
फतका गावनायनिफ्राय जानगाराव था
थांखु सोबनायखौ नागार

**मोजाइ हं ला : गोगो बार
दाफुंनायनि सप्ताहसेआरि हाबाफारि**

देहाजो सोमोन्दो थानाय 104 आव कल खालाम एम्युलेन्स थाखाय 108 आव कल खालाम